



OMUKWETU




No 17

SEPTEMBER

1965

EENGHONO DOHOLE

Ondjimb. 8: 6-7.



He okwa shakeneka omona. Omona okwa tya: "Tate, onda nyona meulu nokoshipala shoye".

Ombibeli tai tu lombelwe oshini-
ma shi li moule. Ohole i neenghono
ya fa efyo. Efyo ihali li tali kungu.
Ngenge la kufa po omunhu, ita mo-
nika vali mounyuni ou. Efyo hano
oli neenghono shili.

Ovahomboli tava hambola, ihava
kala inava lombwelwa eendjovo edi:
1 Kor. 13:1-8. Pehulio lovelishe 8,
hatu lombwelwa: Ohole itai hulu po.
Ehombolo olo oshinima, omo ohole
i neenghono ya fa efyo. Omufuko
omunelao ha teeleele mukwao noma-
diladilo a ya moule. Ohole otai
pangele omwenyo. Eliyandjo linene
ohali hwama momwenyo, la fa omu-
ndilo u na oikuni ihapu, wa hwama

nawa. Eenghono dohole tadi mu ka-
nifa meumbo lahe nopepata la ina.
Ohole tai mu kwatakanifa na mwene,
fiyo tava i nande koilongo yokokule.
Hano apa ohatu mono kutya, ohole
oi neenghono ya fa efyo shili.

Eendjovo da Kalunga da hala yo,
tu djale Kalunga ov. 6. Kalunga nge-
nge a ninga ketu, twe mu djala po-
nhulo nokomaoko, nena ohole tai ka
longa mufye, ya fa efyo. Nena hatu
ka mangululwa kudo kwei younyuni.
Itatu ka tila oluhepo, ohatu ka shiiva
kutya oinima aishe oya Kalunga.
Hatu ka kala twa fa Maria ou a tila
keemhadi dOmwene omaadi taa nyika
nawa. Ohatu ka kala twa fa omufi-

yekadi pongalo ya Jesus. A tula mo
ashishe. Ohole apa tai longo ngaashi
efyo, ihapa shunwa monima, ahowe,
okomesho ashike kwa yukiwa.

Ondi shi ohole yoye oya loloka,
ya hula po momukweni mwa tulwa
kumwe na ye? Omeva mahapu ndi
shi a dima. Omukwetu, ohole i nee-
nghono ya fa efyo itai dimwa kume-
va ounyuni. Ohai dame, hai linekele,
i nehwamo la fa omundilo wa kaluka
pombada. Oyo i li po eimbilo li no-
mwenyo momitima da ava va djala
Omwene wavo peenhulo nomomake.
Neimbilo olo otava keelele omeva o-
mounyuni, aa a hala okupanukila
meehombo davo nomeemwenyo davo.

Andreas Kanalelo.



Septemba 1965

OVAWAMBO OTAVA KA NI-NGA OSHIWANA SHIMWE

Nale ovawambo ova tondafana, va dipaafana nde va hepekafana. Paife pe na oidiliki ihapu tai holola kuya, komesho otava ka ninga oshiwana shimwe shinene.

Paife mOndonga omu yadi ovakwanyama, ovakwambi, ovangandjera, ovambalantu osho no sho vahapu. MOukwanyama osho yo vali nomoi-longo yUninginino wOwambo osho shi li ko. Omaludi oiwana aa (dialeks) otaa dalafana, taa longo pamwe, e na epangelo limwe, e na omikalo dimwe nde a faafana komalutu. Aeshe oku na oluhepo ile ouyamba u fike konyala pamwe. Ovo ovanhu va ina inwe.

Medu lavo nande omu na omutenya noukukutu, omu na yo ouyamba weemina. Oilonga yeemina otai ka kwafa yo melumbakano nomoshiwana shi ninge shimwe. Otapa ka kala omupangeli umwe aeke, ta hoololwa koshiwana. Ovawambo otava ka ongalamomalukanda. Oinima aishe otai ka kala ya nyika ongolo Eembesha (omakambaba) tadi ka endifa ovanhu meendjila. Oshitauwa sha kula tashi denge sha finda ouninginino fiyo okefuta. Oilikolwa yedu oko tai ka pitifilwa.

Oshiwana ngene tashi ka diinina etilokalunga, Tate Kalunga mwene oye ta shiiva. Oshikuluwambo osha nyika okufya. Shimbungu otaka yola nombwa. Oshidale otashi filwa mo komufyoona. Oshiwana shovawambo nge tashi dini Kalunga neendjovo daye, otashi ka shunduka. Paife otava pumbwa eudafano limwe nelongelokumwe. Paife okomesho kwa yukiwa, ha konima vali. Oshiwana oshinene nounona omafele mahapu tava monika peefikola na apeshe nde tava dalwa efimbo keshe. Fimaneka ho na nyoko Tila nde dulika kova tekuli voye. Ino ninga oshipwakapwaka. Ino ninga oshikolwadila. Ino sheka edina lomwene. ETILOKALUNGA OLO EFINA LOUNONGO!



Numvo otwa mwene okufu okwaanawa yakwetune. Twa mono iipalutha. Aamati mefano ndika otaa manga omunkumbi. Tu lyeni wo aluhe oshimbombo (oshifima) shokomwenyo.

EPANGELONGERKI NEPANGELOTUMO LYA GONGALA MONIPA 13. 8. '65.

1

Oshigongi sha gongala okukunda omuyenda Dr. Florin, ngoka ta longo mewiliko lyongongahangano yaakwa Luther. Omusamane Florin okwa ende pamwe nomusamane K. Diehl, omuwilikingerki yomUushimba (Rynse Sendingkerk), naasitagongalo Jahnel, omundowishi a yakula omumvo gumwe mOvenduka nomusamane L. de Vries, ombastera gwoku Rehoboth.

2

Omolvokukunda aayenda mbaka, moshigongi mwa ithanenwa peha lyaasitagongalo E. Angula (omuuvingerki), H. Shongolo nopeha lyaayevangeliste Jason Nangolo, Malakia Tomas na David Alugodhi. Peha lyaalongi mwa ithanenwa Natangue Auala na Sakeus Amunjela.

3

Omundoktora Florin a pandula ekundopopitho lyomubishofi nomukuntumwa, osho wo ompito ndjika e yi mono okuya sigo kOwambo. Okwa pandula wo ongongahano (LWF), sho ye mu tula moshilonga shokukonakona onkalo yoongerki dho mu Republik. Okwa ningi nokuli konyala oomvula mbali mekonakono ndyoka. Oongerki ndhoka tadhi longo mu Suid Afrika otadhi yooloka nga. Omu na wo aapagani lela na yamwe ye li pambepo yuuyuni. Onke okuhumitha evangeli komeho maantu yoombepo dhi ili no dhi ili okudhigu. Aakriste na mbaka ya putuka otaa yi miimpaga nuupu.

4

Omuwilikingerki nomukuluntutumwa Diehl a holola epandulo koshigongi, omolvompito e yi mono nomolwuukumwe woongerki ndhika ndatu oonkwavangeli pa Luther mu S. W. Afrika, oshoka otatu koleke noku tu kwatha. Uukumwe mbuka otatu hololwa unene koskola yuusita kOtjimbingwe.

5

Omusita L. de Vries a pandula ompito yokumona lwotango Owambo, ndjoka a kala inaa mona sigo okwa mona omavi gokombanda yomafutango. Na nkwiya okwa dhimbulula, nkene katu li atuhe mu S.W.A., nani otu li mumwe noyendji ye li kiilongo yokokule. Ihe okuhempulula eitaalo mokukalamwenyo kwetu okwo okudhigu, unene kongerki ongundjuka.

6

Omusita Jahnel a pandula kompito yokuya mu S. W. A. nokuyakula megongalo lyaandoishi mOvenduka. Okwa dhimbululwa, nando oongerki ongundjuka dhi nomakondjo omadhigu, itaga fe goongerki oonkulu. Onke tatu pumbwa okwindila oshilonga shOmbepo Ondjapuki, shi longe ngashi petameko lyoshilonga shetumo megongalo lyotango.

ENONGELO LEENHUMWAFO

Otali hafele unene ovahongwa va-aa otae shi holola. Ove ino shiiva lo. Osheshi vahapu vomuvo va kala eshi shi li mounyuni paife. Mounyuni nokudiinina okulesha oileshwa yavo. ni wehumo komesho oinima aishe otai Osho yo va konakona nawa Ombibeli. landwa. Hano ombapila otai longwa Eshi otashi monika nawa komanya- kovanhu vamwe va hala oimaliwa no- mukulo avo, eshi va eta naa naa oma- sho yo ondomo yokushangifa ohai n- nyamukulo ngashi a li taa teelwa ngwa ku nima oo a hala e limonene nove a kufa peenhele di lili nodi lili eeranda dimwe, a lande omboloto yaye. mOmbibeli. Iyaloo! Tate Kalunga ne Ngenge ne eenhumwafo odo wa hala mu pe eenghono pauhapu wefimana ito di futu, openi opo taku monika laye odokwikolelela kwomunhu wome- eembapila neendomo doshali? Fye ina- ni okOmhepo yaye, Kristus opo a ka- tu shiiva po manga. le meemwenyo deni. Ef. 3: 16, 17.

Ovakwetu nye, ava mwa fya ou- Efatululo leendjovo doye tali mi- nye, pendapaleni vali. Tamu fyaala, nikile no tali hongo ovashima eendu- vakweni hapo vali ve li opo. Omuto- nge. Eps. 119: 30.

ndi a hala oku ku fifa ounye noku Omuyakuli weenhumwafo, A. Muatotele.

ku pyakidila uha mone nande efimbo Aamati ye li mefano otaa kwata oohi. Oohi lokulesha eendjovo da Kalunga noku- ohadhi kwatwa noondjolo. Kalunga e na wo palulifa omwenyo woye na do. Efimbo oondjolo dhe dhi li mokati ketu. Ota kwata olo u kwete olo nga u tukula, opo wo oohi dhe. Pe na oondjolo dhilwe. Owa kotoka tuu?

u shiive oku li longifa keembinga adi- she mbali. Okulongela oihupifamwe- nyo noihupifalutu. Twikila hano nee- nhumwafo doye, nonge da lika po kouhedi tuma dipe oto pewa.

OFUTO: Onhumwafo keshe otai futwa komutambuli. MOWambo ohai- futwa neesente 25, kOushimba eesente 35. Nale otwa yandja onhumwafo ko- mupuli wayo nande ina futa fiku olo. Ndele eshi sha eta oupyakadi wa kula. Paife hano itatu yandje vali onhu- mwafo mongele, osheshi vahapu va mwena ashike fiyo onena, inava futa eenhumwafo davu. Otwe linekela nale ovanhu ava, ndele paife ohatu hangwa komalimbililo. Fiyo onena elinekelo letu inali dima po filufilu, ohatu dila- dila nga kutya oufyoona owamukwe- ni naa ve yo, opo nga tava nyange va tume eefuto davu. Onawa unene ota- di teelwa.

Oku na ovahongwa veenhumwafo vamwe tava pula: Omolwa shike ee- nhumwafo handi futulwa do mwa ti eendjovo da Kalunga?

Handi uya ndi ku nyamukule. Heeno, otwa ti eendjovo da Kalunga shili. Eendjovo da Kalunga oda wana okulandwa, osheshi odo odiwa, di no- shilonga, itadi hulupo, tadi tula omwe- nyo nokuli. Ovanhu ngenge hava lan- de oinima i nondilo, ihe na nande omwenyo na imwe tai va nyono po nokuli, otava nyengwa ne okulanda eendjovo da Kalunga neesente 25 ile 35? Ope nondilo opo, ngeno ngashi ya li i nokukala po, ile oshike tashi pulifa epulo eli?

Tala ove ou li natango kokule novanhu, wa fyaala, osheshi omapulo

aa otae shi holola. Ove ino shiiva eshi shi li mounyuni paife. Mounyuni wehumo komesho oinima aishe otai landwa. Hano ombapila otai longwa kovanhu vamwe va hala oimaliwa no- sho yo ondomo yokushangifa ohai ni- ngwa ku nima oo a hala e limonene eeranda dimwe, a lande omboloto yaye. Ngenge ne eenhumwafo odo wa hala ito di futu, openi opo taku monika eembapila neendomo doshali? Fye ina- tu shiiva po manga.

Efatululo leendjovo doye tali mi- nikile no tali hongo ovashima eendu- nge. Eps. 119: 30.

Omuyakuli weenhumwafo,

A. Muatotele.



Aamati ye li mefano otaa kwata oohi. Oohi ohadhi kwatwa noondjolo. Kalunga e na wo oondjolo dhe dhi li mokati ketu. Ota kwata wo oohi dhe. Pe na oondjolo dhilwe. Owa kotoka tuu?

OSHIPE MOSHITAYINGERKI OMUDO 1964 OMAONGALO OKWA UMBA ONGALO NGAHA:

		Eelata	Kumwe
1. Ondobeyeno	R 2. 15	77	R 40. 65
2. Edundja	7. 18	62	38. 18
3. Eenhana	5. 69	58. 9	34. 69
4. Omundaungilo	1. 74	60.	31. 91 1/2
5. Ongenga	3. 47	55.13 1/2	31. 29
6. Okatope	0. 78	38.06	19. 93
7. Onguediva	6. 53	26.	19. 53
8. Okalongo	1. 50	26.	14. 50
9. Endola	2. 53	28.13	14. 32 1/2
10. Engela	12. 64	—	12. 64
11. Olupandu	- 42	17—	8. 92
12. Okongo	3. 75	1.10.	4. 50
13. Ohalushu	1. 50	—	1. 50
	49. 88	450.11 1/2	R272 57

Kashuude omaongalo oo inaa eta oilya Engela nOhalushu, inai shangwa. Oshike? Ndee ne woo, mwe lining'oshiyeele. Paamha eongalo la Ndobe ola "wina" R 4. vakwe!

Jason Amakutuwa.

OMUKWETU FIKAMA YELA.

Ovakwetu ovaholike, onda hala oku mu dimbulukifa eendjovo edi, mu kale noku di lesa alushe odo: Ou ta itavele nde ta shashwa, oye ta hupifwa, ndele ou ina itavela oye ota pangulilwa mekano (Mark. 16: 16.) Vahapu nge tava li, ihava indile vali. Ngenge va mana okulya, ihava pandula. Ngenge tava ka nangala, ihava ilikana. Ngenge tava penduka, ihava hambelele. Ove li po ashike ongo- vapaani. Lesha (2Kor. 6: 14-18).

Omhepo Iyapuki oye tu ifana mo mounyuni, nde tai tu ongele meongalo la Kristus, nde tai tu koshola nawa oi- pwe yetu aishe youlunde, nde te tu yapula note tu diinine mo meongalo laye (Oil. 2: 1-4, 17-18).

Ovakriste ovakwetu, tu kaleni ee- lamba tadi minikile oiwana yetu. Va ha shune vali moipwe youlunde omo va kosholwa mo kOmhepo Iyapuki. Osheshi aveshe ovo tava endifwa kO- mhepo Iyapuki, ovo ovana va Kalunga mu Kristus Jesus Omukulili wetu.

Abraham Jakob.

OSHIKOLOLO SHEGUMBO

TB. OI NOLUTAPO

Ou shii tuu nokutya ina yokaana ngenge e na TB, ta hupita okaana kaye ile te ka pe oshikulya e shi lya, ile te ka pele omu a lila, eembuto doudu ou utilifa, TB, otadi kwata yoo okaana? Ou shii tuu nokutya okaana ngenge take likoko, otashi dulika ke lipwede moinghololo i ya-di eembuto da TB. Eshi taka ka tula ominwe dako kokanya, otashi dulika taka twaalele ko yo eembuto edi. Ou shii tuu nokutya eedi eshi tadi tuka ngahenya, tadi wile koikulya yokaa-na, otadi twaalele ko eembuto da TB? Ou shii tuu nokutya elipembo netwo lonhisha, ohai tandavelifa TB? Unene ngenge oinima ei inai lungamenwa? Ou shii tuu nokutya oipute ya TB yokomapunga ngenge inini, omunhu oha kala a fa a kola nota dulu oilonga? Omunhu a tya ngaho ohe lineekele shili a kola, ye mwene ta ti ke na TB nokuli. Ndele eminikilo otali mu mono ashike, tali holola ashishe shi li monhulo yaye.

Mu aishe ei oto kwafwa ngenge wa ya ku ndokotola. Inda paife.

TB. OHAI NINGI SHIKE?

Ou shii tuu nokutya ngenge oipute ya TB oya kula noihapu, omunhu oha kala ta vele unene. Ha kala a utama ye oha kolola alushe? Ha kala e nouyahame munene monhulo? Hashi kala shipu okudimbulukwa kutya, ota vele unene.

Ou shii tuu nokutya eembuto da TB, fiku limwe ohadi kwata yo omwoongo wombuda, hadi ningifa omunhu okaongo? Hano okaana ngenge taka ti otaka yehama ombuda, endelega u ka twale ku ndokotola. Ou shii tuu nokutya okaana ngenge taka vele omutwe lululule, oke nokutwalwa ku ndokotola, shaashi eembuto da TB ohadi kwata yo ouluvi? Ohadi eta oudu mwi shili hau ufana "TB Meningitis". Ou shii tuu nokutya ovenda ya B.C.G., ohai kwafwa okwamena omunhu ku TB?

Ou shii tuu nokutya eembuto da TB, nge da ningi oipute neembululu momapunga, omunhu oha tameke okufiya ohonde? Ou shii tuu nokutya eembuto da TB ohadi kwata omashakeneno omakipa, ndele ngenge omunhu ina hakulwa diva oha ningi oshingudu? Ou shii tuu nokutya ndo-

OTASHI KUMWIFA OMUNHU

Efiku eti 6 la Mai mokupita kwetango, ofye ovanaskola vomEngela otwa mona ongudu yovanhu ya yuka komaendo tai di koshipangelo. Opa pita nokuli okafimbo kanini eshi twa uda ehokololo tali tongo efyo lomunhu.

Nani okanona keedula 6 oka fya. Ndele efyo lako olo lidjuu shili, oshe-shi oko oka fya koikunwa yombike. Fimbo ina a li ta teleke ombike, koo ke mu kalela. Ina okwa dja po e ka fiya poitekelo yombike.

Eshi okanona ka li ka ikilila no-

kuli okunwa ombike, oka kufa ekende fimbo ina ehe po. Hano mupya munene, oka pitililifa okunwa. Nena okanona ka kolwa fiyo ekolwo la ninga oudu nokuli, sha landula ko efyo, oihuna shili.

Sha hala okutya, ofye ovawambo otwa lenga oikunwa, nokuli hatu longo ounona vanini okunwa. Onghe hano dimbulukwa okanona kanini keedula 6, oka hulifa oweenda wako ndele haku shimwe, okoikunwa. Oififahoni kufye ovawambo ngenge to shi pwilikine.

Sem Bohem Shilumba.



Mefano ndika mu nokanona ka dhama yina. Oke mu inekela shili. Oye omugameni gwako. Ihe yina ngele te etele okanona ke omupya gwa sha, molwo-nyango yu udha mu ye, oku li megeelo edhigu lya Kalunga.

kotola ota kongo keshe umwe a kwafwe, nande ou wete ngo wa fa u li nawa fiku limwe ou na ngo oumbuto opo tave uya?

Mu aishe ei, oto kwafwa ashike diva ngenge wa ya ku ndokotola. Inda paife.

Elundululo la kufwa mu Santa.

Lineekela M. Hauala.

MEAMENO LA KALUNGA KAMU NA OIPONGA

Sho nda li moshihakuliilo, Kalunga kange okwa uda omaindilo a ovo va indilila nge. Inandi kwatwa nande komalimbililo mouyahame wange. Mouvella nde lilonga okulineekela Kalunga. Onde lineekela, Oye ota koleke nge natango. Edina laye nali hambelwe.

Josef Petrus.

OSHIKOLOLO SHAAGUNDJUKA

KAAGUNDJUKA YOMOWAMBO-KAVANGO

One aagundjuka aakwetu aaholike, otse aakweni tu li metumo mOkavango. Otatu longo miilonga yokuyakula aavu, ngaashika oyendji yomu ne ye shi tseyawo. Moshilonga shika Omuwa Jesus mwene e tu ithana mo no kwe tu zaleke oonkondo okumu longela. Omuyapostoli Paulus ta ti ku Timoteus: "Otandi hambelele nguka a pe ndje oonkondo, oKristus Jesus Omuwa gwetu, oshoka a tala ndje omudhiginini, no kwa tula ndje miilonga ye."

Miilonga yetu otatu longo pamwe nookuume ketu aatumwa aasuumi, omboka ye tu putudha nawa mOwambo. Naa huka kOkavango oshilonga shawo otashi humu nawa komeho, ngaashika wo mOwambo. Tatu longo aluhe nenyanyu nombili miilonga yetu.

Ongoye omugundjuka omukwetu gwongerki yetu, na ngoye wo owa pewa iilonga yoye oyindji, moshigwana shaandjeni, megongalo na apehe mpoka to vulu okuyakula. One omutse gwoshigwana. Tu thikameni ano tu longeleni oshigwana shetweni manga taku tiwa onena.

Ongoye omukwetu methimbo lyongaashingeyi kala wa kotoka. Tala nawa mbyoka tayi ku pe oondunge na mbyoka tayi ku fala mekaneno. Mbyoka tayi tungu oshigwana na mbyoka tayi shi hanagula po. Tayi eta eyambeko lya Kalunga nenge tayi tidhile eyambeko lya Kalunga kokule na tse. Tu kondjeleni Ongerki yetu, opo yi kale ya kola.

Ino mana po ethimbo lyoye nokukala pomahala mpoka omutondi satana ta kala aluhe noku ku tala nokunyanyukwa. Tu longeni manga ku na ethimbo, oshoka ethimbo efupilyiilonga. Tu dhimbulukweni aakwetu ya kala natango momilema dhuupagani, taa pumbwa okufalelwa omuhupithi.

Ethimbo otali ya una waa na we ompito okulongela Omukulili gwoye. Ino tya otandi ka tameka ngaa komeho, aawe, tameka ngaashingeyi. Ithana aakweni kehupitho. Ino tila, igandja ku ye ngashi u li. Oye ote ku zaleke oonkondo oonkwagulu. Opo ihe oto ka sindana omolwe.

Onke omugundjuka omukwetu, dhimbulukwa omushiti gwoye opoma-

OSHILONGA SHUUDIAKONI OSHIKE?

Omudiakonisalongwa a putudhilwa mEnongelo lyayakuligongalo mEngela ote shi fatulula ngeyi:

Oshilonga shuudiakoni osheyakulo, no tashi longwa nohole nolukeno. Oku na oyendji ya limbililwa, kaashi wo shoka tashi longwa. Otashi longwa ngeyi: Otu na aakulupe niilema naaposi noohepele oyendji, taa pumbwa okuyakulwa. Oto yi komukulupe ngoka ita adha we kongerki e to mu leshele oohapu dha Kalunga no ku mu pukulula, nena wa longo oshilonga shuudiakoni.

Manga oshipandi shuukuni, faalela omukulupe ngoka ta si kuutalala. Pamwe omushiinda goye we mu etha ti igoyoka owala niilonga ye iidhigu? nenge okanona komushiinda goye ka mono oshiponga ombadhilila thikama ka fala koshipangelo. Ino tegelela u lombwelwe, ngoye ino tegelela ondjambi ya sha ngele we mu kwatha. Mu longithwe kuuyelele, mu kale onyeka mokati kapaakani. Momikunda onda mona oluhepo sho pe na mboka taa pumbwa ya yakulwe, kaye na uunona woku ya yakula.



Omupangi Tuulikki Kaute

thimbo guugundjuka woye, manga omasiku omiinayi inaga thikana po nomimvo tadhi hedha ko, ondhoka todhi popi e to ti: Odho inadhi oopalela ndje.

Nomakundilo gombili,
Tuulikki Kaute.



Wilika Sakaria

Omugundjuka omukwetu, itula miilonga yeyakulo, u tsile ngo ke na omutsili, u mu tekele omeya. Ngoka a makele Kristus oye omutoye, ota vulu okuyakula noyakwawo. Maa-israel omwa monika eyakulo enene, aanaluhepe oya pewa iipalutha, oothigwa naaselekadhi oya gongelwa pamwe eetaa yakulwa nawa.

Otu na omudiakoni gotango mEtestameti Epe, oye Jesus, Jesus okwa yakula aantu oyendji. Ninga ano ngashi Jesus a ningi. Ngele wa hala wengenithe omwenyo gomukwanaluhepo popepi na Kalunga mu yakula tango kolutu, opo to mu leshele oohapu dhOmuwa.

Ngele wa lolo uutoye womu Jesus Kristus, nena to kala nehalo okuyakula oohepele naayendindjila. Tu ningeni ngashi Abraham a yakula aayenda. Tu ningeni ngashi Jesus a kwatha aantu kolutu nokomwenyo pethimbo lye.

Wilika Sakaria.

KALA MEITAALO LYA SHILI

Mokukala muukriste otu na olwindji okugongala pomauvitho gohapu dha Kalunga, ihe ope na gumwe ta ti: Nda vulwa okuuvithilwa nomukwawo ta ti: Omuuvihi nima iha tidha humba yi gondje, onkene ite yi ko.

Tala omumwameme mu Jesus Kristus, ehalo lyombepo ya Kalunga ina li hala omuntu a kale a gondja monyalo no mehala lyonyama, awe.

Olutu talu vulwa, ihe kotoka waa vilithe ehalo lyombepo yomwenyo gwomu Kalunga. Kala meitaalo lya ladhipala okulongela Kalunga katatugumwe.

Eitaalo lyaa niilonga olya sa.
Vaino Nangombe.

OSHIVILOTUMO SHOUNONA.

Okangudulongekido koshilonga shetumo mongerki aishe, ka tokola neudo pa ningwe vali efiku lounona letumo, li ka ningwe eti 3.10.65. meongalo keshe. Epangelongerki la koleka etokolo eli nola tuminwa omaongalo aeshe mOngerki yetu. Onda lineekela kutya, ovafitaongalo va mona etokolo eli nova hovele okulongekida oshivilo shetumo shounona.

Onda pewa vali oshisho okweendulula oshinima eshi nokunyola sha mOmukwetu, opo ovanhu aveshe va leshe. Ngenge oshivilo tashi longekidwa ovanhu vahapu ve shi shiiva, nekwaafano melongekido tali holoka.

Eshi tapa ningwa oshivilo shounona shetumo, ndi shi oshi na okulongekidwa nawanawa meongalo keshe. Ope na eemhito di lili na di lili diwa, tadi yelifile nawa ovanhu va udeko nawa. Nda hala ndi tumbule omikalo dimwe tadi kwafa mokulongekida oshivilo shetumo meongalo.

1) Tete ovalongi veefikola doshondaha tava ongelwa, va pukululilwe nawa ediladilo nelalakaneno loshivilo eshi. Omufita pamwe novayakuli vaye otava dulu okufatululila ovawiliki ovo mefiku la ufa. Ovawiliki nava kumaidwe, va ongale nawa efiku olo, nge tashi dulika avesheveshe.

2) Eefikola doshondaha edi tadi dulu okwongala kumwe, nadi ongale pamwe opo pa kale nga oshivilo. Ovo tava hange pongerki nava ongale pongerki opo pa ningwe oshivilo. Osho omukunda keshe nau kale wa longekidwa nawa nowa shivifilwa oshivilo eshi kutya, ovalumenhu aveshe ovakriste novapaani otava teeelwa va kale moshivilo osho pamwe nounona.

3) Ounona tava longekidwa omaimbilo etumo nouhokololo vetumo notava longekida ongalo yavo. Ovo tava dulu okulonga sha, tava longo sha. Ovo itava dulu okumona sha, ovakulunhu tava kwafa. Osheshi omukulunhu keshe oku udite nawa okaana kaye nge taka yelula eke lako okuyandjela sha moshilonga sha Kalunga.

Ovalongi veefikola doshiwana oku na vahapu va hwama okuyakula moshilonga shetumo. Onawa va kwafele nawa momalongekido aa oshivilo shetumo. Ovo tava shiiva yo nawa eemwenyo dounona noku va hwamifa nawa meetundi davo dofikola. Ovahakuli yo otava dulu okuyakula

momalongekido a tya ngaha apa tashi dulika, ngashi nda ti eemhito odi li po dihapu okulongekida.

Ovatumwa ovo va longekidwa mEngela, otava kwafa unene melongekido eli. Opo omufitaongalo ita dulu okufika, ota dulu okutuma omutumwa oo a fatululile nawa ovanhu oshilonga shetumo pamwe no mwevangeliste ile nomuyakuli umwe e lili, ta talwa okwa hwama mo shilonga eshi.

Meefikola da kula ngashi osheminari nokaumbo nodovamati oshivilo eshi nashi longekidwe nawa omalwimbo neengalo davo ngashi tava dulu. Eemwenyo dovanyasha opo di pile oshilonga eshi shinene shetumo pefimbo liwa.

Oyo tayi umbwa mongalo yefiku olo, oyo i na oshilonga. Kalunga ota hokwa unene oyo ina oshilonga, oyo omunhu te i tale te i pumbwa yo. Oilya, oimaliwa, oikutu oikombo, eehuhwa, oihongomwa, oihondjomwa, oimuna, omatemo, oimbale osho no-sho, aishe tai ongelwa nawanawa efiku olo noimaliwa tai tumwa koshikefa shongerki shetumo. Oinima tai landifwa po noimaliwa tai tumwa koshikefa shetumo shongerki nokupitila komupashukilishitaingerki, a shive kutya eongalo keshe lomoshitaingerki shaye ola kondja ngahelipi.

Elalakaneno olo tuu olo ovanhu aveshe ovakulunhu nounona va shiive kutya, ovalongelwa omhito okulongela Kalunga pefimbo la wapala. Omupsalomi ta ti: Longeleni Omwene nehafo, Ps. 100. Paulus Andreas.



Ovamati tave lideula okuumba nouta wa nangongo nde tava tale yo nge va shoneka.

OSHIGONGI SHAAGUNDJUKA YOSHITAYINGERKI SHUUNINGI- NINO SHA GONGALA MU TSHANDI

Eti 6-8. 1965.

Osha tamekwa nohungi moka twa popithwa noohapu dha Kalunga. Mu yo otwa etelwa uuyamba owindji.

Eti 7.8.65, motundimbimbeli kwa leshwa 1 Mos. 8: 9. Ekota lyayo olyo: Evululuko lya shili. Ngashi onguti ya nyengwa okumona evululuko sho omeya ga li ga sikila evi alihe, osho wo aantu ya Kalunga taa nyengwa wo okukala nokumona evululuko kombanda yeve ndika. Aagundjuka yamwe taa kongo evululuko mpoka itali monika. Ileni ku ngame amuhe hamu longo no mwa lolokithwa, otandi mu pe evululuko. Oomwenyo dhetu otadhi pumbwa evululuko oshoka odha vulwa. Jesus a hala oku tuma aagundjuka mepya lye. Jesus ta ti: "Otandi mu pe evululuko".

Okwa li wo omalanditho po giinima omolwoshilonga shetumo. Osha li ehwamo enene shili onke ya holola shili oyo aatumwa ya Jesus Kristus. Omalanditho oga li ngeyi:

- | | |
|---------------|----------|
| 1. Etilyasa | R 68-50. |
| 2. Okahao | 54-20. |
| 3. Tshandi | 46-50. |
| 4. Elim | 32-20. |
| 5. Oniimwandi | 23-92. |
| 6. Onangalo | 16-20. |
| 7. Onesi | 11-10. |
| 8. Nakayale | 10-68. |
| 9. Ogongo | 4-671/2. |
| 10. Onaanda. | 3-66. |


Kumwe: R 271-53

Eti 8.8. 65 ongalo ya gongelwa ya zi R5.63c. Iimaliwa ayihe ya zi momalandithopo otayi longithwa ngeyi: 3/4 metumo moshitayingerki shUuninginino oyo R203.65; 1/4 metumo mongerki ayihe pantokolwa yaa-gundjuka yongerki ayihe 1965, oyo R 67.88. Oshigongi osha tokola wo omuyevangeliste gwokomindamba a landelwe okafarata.

Kalunga na hambelwe shili sho a hwameke oomwenyo dhaagundjuka yetu nOmbepo Ondjapuki. Aakriste aakwetu, galikaneneni wo aagundjuka yetu omulilo nguka gwehwamo gu tsikile nokomeho.

Peha lyoshigongi:
Mika Iilonga.

OUNYUNI OTAU TONGO SHIKE



Omushamane J. De Koning, Vilho Shijandja na Festus Mangonga poshihauto shavo. Ova fanekelwa pO-niipa.

OVAUDIFI VEVANGELI VA TALELA PO OWAMBO

Omushamane J. de Koning, pamwe novayevangeliste Festus Mangonga na Vilho Shijandja, ova talela po neudo Owambo, ndele va udifa Evangeligi louhamba momaongalo mahapu Ondonga nOukwanyama. Omutumba wavo ou li mOvenduka.

Etumo lavo (Drothea Sending) kali na olutandu. Oli na elalakano limwe: Omunhu keshe a hupifwe, ke-

OMAKONAKONO KOHANI

Eenghundana da dja moshilando Kaap Kennedy mu Amerika otadi ti: Ovaamerika ova umba vali oshikonakonikuti shomundilo kohani. Ova hala okutala, ngenge tashi dulika neudo, va fikife nawa lela oshiendifo (ruimte-ting) kohani. Oshiyelekifo (opmeter-satelliet) osha tengenekwa shi umbwe ko tete mu Novemba neudo, ku talike ngenge ombada yohani tai dulu tuu okuhumbata oshiendifo shinene.

Oshiyelekifo otashi kala shi na omafano okufaneka (beeldradioskemas) atatu. Efano limwe otali faneke ohani nge tai ehena popepi noshiyelekifo osho tashi umbwa ko. Limwe otali faneke ombada (oppervlakte) yohani: oshiyelekifo nge sha fika na likwao etitatu otali faneke oinima oyo i li ko noku i konakona.

OIMALIWA IPE

Engwada leesente 10 (10-stuk) otali hovele okulongifwa okudja eti 14 Septemba neudo. Engwada lipe olinene li fike pengwada likulu la itano.

she umwe kombada yedu a mone Kristus. Ovaudifi ava ohava ende noilongo nokuudifa apeshe. Apeshe opo va longa, Kalunga a punika eemwe-nyo dovanhu.

Meenghundafana va holola kutya, nonande moshilonga omu na omaudjuu, onghene ove nohole nehwamo okulonga oshilonga shOmwe. Kalunga Tate na punike eembuto adishe tave di kunu, di mene nde di dale alushe efele.

IIPANGELO YIINAMWENYO MU SUIDWES

Ongundu yimwe yepangelo (die N. P. -- tak Suyas) mu Suidwes oya indila epangelo li dhike iipangelo (klinieke) moondolopa moka mu na oondoktora yiinamwenyo opo iinamwenyo yi pangwe. Mwene gwoshinamwenyo a fute asheke ye eshi pangithe.

OKAANA KA WA MESHINA POTTJIWARONGO

Okaana okanafikola mOttjiwarongo Hendriek Swiegers, oka wa meshina tali tondoka nde inaka valukwa unene. Okamenhu oka li taka danauka ponhopa pomashakeneno oikoto. Oka li meshina pamwe nongudu yovanaskola vakwao nomulongi wavo.

Stefanus Amupolo, Box 26, Oranjestad, okwa hokolola iiponga konyala yi adhe oondhila mbali dha li tadhende popepi nOlange, ihe Kalunga e ya gamene inaa mona oshiponga. Kalunga ta gamene aashitwa ye miiponga iinene yomaludhi wo.

OMAUDANEKO MANENE EENDJILA DOTEYA

Kokavango taku ningwa okapale keedila koteya. Oshitauwa shoteya otashi di mOshomeva fiyo omOshakati. Komesho tashi ka denga sha yuka Ouninginino wOwambo. Okapale kape koteya kOvenduka pOndekaremba, eemaila 27 okudja moshilando sha Venduka, oka diladilwa ka yeululilwe oilonga yako yewilo leedila omudo tau uya noshivilo shi ningilwe mumwe noshivilo sho Republika ya Suid Afrika.

EHIYO KOSHIGONGI SHAAGUNDJUKA SHONGERKI AYIHE

Oshigongi shaagundjuka shOngerki ayihe onkwa Evangeligi pa Luther yomOwambokavango, otashi ka kala numvo kOshitayi, Ondonga, Kalunga ngele e shi hala. Egongalo kehe tali indilwa, li tume aagundjuka 10 peha lyaagundjuka ayeha yegongalo koshigongi shika.

Oshigongi otashi tameke nohungi eti 27/ 9-30/ September 1965. Aagundjuka taa indilwa ya etelele iilonga yawo yiikaha, opo yi landithwe po niimaliwa yi ye moshilonga shetumo.

“POPYA OMUWA, OMUNTU GWOYE NDU UVE KO!” olyo edhina lyoshigongi. Omugundjuka ila u pulakene ewi lyOmuwa te ku ithana. Omagalikano gooitaali otwe ga yulukwa opo aagundjuka yetu ya uve ewi lyOmuwa ta popi.

“Tate, ehalo lyoye nali gwanithwe! Kleopas Dumeni.

Moikeleketa okamenhu ka wila pedu.

Omulongi okwa endelela a konge ngaata nde eshi e ke mu mona, onhana hai ende koivela oya fikama nale moshashiyona yOttjiwarongo. Omulongi okwa pewa diva oshihauto shipe a ye ko. Okwa shakena nokamenhu mondjila take uya. Ovahakuli va popya kutya, inaka valukwa unene.

Amupolo okwa popi efano lyombwa. Ombwa hai inyateke apehe no yo efano lyuuholume auhe. Ota londodha aakriste, ya kukume omikalo dha fa dhombwa, ihe ya kale nomikalo tadhithwa kehalo lya Kalunga.

AALESHI TAA NYOLA

OMAPULO NOMAYAMUKULO

7) Oshike okakadona ngenge mwene a mitika, ndele okwa hala a ka hombole okakadona kaye koshito hamu kelele, a ka hombole aka ye ine ka hala koo nande omwa ti nomefiku lii. Nogenge mwe ka kelela mo muye, eshi ta ka pula oinima yaye ihamu mu futile ohamu kanduka po ashike ko taka kala akeke?

Kalunga mwene ta ti: "Ngoka ta lala nomukadhona oku nokufuta iiponda 50 ku he yomukadhona noku mu hokana po, ite mu henge mokukalamwenyo kwe" 5 Mos. 22: 28-29. "Kamu shi shi ngoka ta gumu ohonda ota ningi olutu lumwe naye? 1Kor. 6: 16, "Zeni oluhondelo ontuku ov. 18 maakorinto lyotango 6:18. Shela to nigilike owa hala wu tu longithe nokuyakula uulunde wa tya ngaaka? Shila oto pula omushiti, uusama wetu osho inatu ku futitha ooponda 50 noku ku hokanitha kekuni shila. Ngoka wa gumu owa ningi olutu lumwe naye opo wa pogolele mpoo. Ihe Kalunga ota pangula aayoni ta!

8) Oshike ngenge wa hombola iho tale konima oku wa dja? Ngenge taku pulwa koveta ondjabi oinini, ohamu ti ovana vetu ova pilalala ndele ngenge tamu weda ko oshipu? Oshike hamu tambula oiyandjiwa yomudo yovanhu va shuna monima noyomahengu?

Oohapu dha Kalunga otadhi ti: "Hupitha omwenyo gwoye ino taalela konima yoye" 1Mos. 19:17. Ino tu lundila tse inatu kelela oondjambi dheni Okugwedha ko kashi shi shipu kutse nando, omatho gOmushiti ngu ta ti: "Eteni oshitimulongo sha gwana omoshipungulitho mongulu yandje opo mu kale mu noondja ----- "Malakia 3: 10. Omukwane-gongalo ina kondwa oye omulunde omupunduki omudhiminwa po. Omuwa Jesus iha tidha omulunde te ya ku ye onke iigandjwa ye ohatu yi taamba, ihe omukondwa katu yi taamba we, oshoka katu na mpoka tatu yi taamba we, oshoka katu na mpoka tatu yi nyola sho kee mo membo, kakele nge tu umbu ongalo, nena itatu kelele omuntu a hala a gandjele Kalunga eyambo lye.

9) Oshike onganga hai futilwa ngenge to i hombola nande yo otai

ka longa ya fa to i dipaa po? Wa futa oiponda omilongo nomilongo konima oyoonda koohe? Oshike inaku tiwa ihandi hombolwa ashike. Ohaku futwa molwashike?

Nda ti: Mee ngwe' Omupangi ndi shi shoo uu lwete a mbweshukila, ndi shi osho ngaa a ningwa nawa? Okwa longithwa omimvo ndatu niimwaliwa oyindji mboka a paluthwa nayo no kwa mono omambo niikwatha oyindji, onke e nokulonga manka omimwo ndatu niimwaliwa oyindji mbyoka a paluthwa nayo no kwa mono omambo niikwatha oyindji, onke e nokulonga manga omimvo dha uthwa ina hokanwa. Omukulukadhi ita tompola, omuntu e nelugo oto ti nduno ota kutha omudhi gwa Wawa? Tege'ela a mane oomvula dhe ngele owa hala omupangi. Ngele oto mu kutha muupangi, inda mondjato wu gandje omakwele. Kombinga ya "lobola" iigonda yokoohe mbyoka iikundwa yeni yaandonge naakwanyama. Inatu yi halelela tse yitayingerki iiyali Okawango noshitayingerki shuuningini. Dhiginina mpoka iigonda mbyo nayi se mani!

Sha mana oombata, okukala ito hokana onganga nomukadhona ha gondwa pahedhi dheni, mu itedhulule mwe tu fa se twa tameke mOshiyelele tshiyela ya Nambashu.

10) Omukulukadi umwe okwa hala ovamitikafani va hombolifwe molupale lambulavo, ndele omona omumati eshi a mitika ina hala vati okaadona okahepele. Omona okwa kongona womufita fimbo winya a ya moupaani. Omolwa shike inava tulilwa kumwe?

Iitapakulende hayo nee yi kenyananitha mbyono kuume! Osho inashi halika shoka ndi shi?

11) Omolwashike ehombolo tali futilwa oponda? Ngenge omwa loloka okuhombolifa, oshike hamu kelele ovanhu kombelewa? Oponda otai futwa shike? Eembapila, okuhombolifa? Omu dimbuluka kutya ondjabi oyini eesend 15 mefiku odo ngoo tadi di oponda?

Sho shene ondjokana eyambeko enene lya za ku Kalunga, otwa gwana okugandja ku Kalunga shi vulithe iigonda nokuli. Ku li oombapila w odha landwa mpaka ope niilonga ngaa

hatu yi longo nenyanyu lyomwenyo tu lwete uulenga. Oponda oyo omagano gehambebelelo, sho Kalunga a yambeke oondjokana. Kayi shi yomusita, aawe, yegongalo. Itatu kelele omuntu kombelewa, ohatu hokanitha aakriste ayeke ha yalwe ngaa matsa. Katu ikumba nando omunamutimahenda, ita fala aantu megulu ya mangwa.

Koosendi dhoye 15 mesiku Kalunga ota pula ko 1 1/2 mesiku pa Malakia 3: 10.

12) Osha fa tashi ti ame nda hombola walye? Otamu longele Kalunga ile oimaliwa hano? Omolwashike ou a hombola ngenge a mitika ihamu ti ne ka kufe po? Oukadona oupote hau kondjifa ovalumentu, omu dimbuluka oudjuu kovamati!

Aawe, hasho shoka otwa hala tu putudhe aakriste noshigwana noku shi ulukila ehalo lya Tate Kalunga. Ohatu longele Kalunga, ngele kwa li iimaliwa, ando otwa yi komulongo ngashi wu liko tse tu ye tu mane eembongo, otatu idhidhimikile oluhepo, ondi shi aantu yamwe oya zi moshilonga molwoluhepo. Omuntu a hokana itatu ti na hokane ombaleshe ombada we oshoka omukriste e nokukala omulumentu gwomukiintu gumwe 1Timoteus 3: 2.

Ehulitho lyomapulo tali ya moshifo tashi shikula.



Omumati mefano oshike kee nombili? Meke lye e nembo ihe a limbililwa? Oshike shi li momwenyo gwe? Oshike shi li momwenyo gwoye?

FINSE SENDINGDRUKKERY
OVAMBOLAND
ONIIPA